

Čoahkkáigeassu Lappi buresveadjinguovllu dárkkistanlávdegotti árvvoštallanmuitalusas jagis 2023

## **Lappi buresveadjinguovllu ekonomiija dásšen ja doaimma ovdánahttin gáibidit struktuvrralaš ođastusaid**

Lappi buresveadjinguovllu (Lapha) dárkkistanlávdegoddi dohkkehii 22.5.2024 § 43 árvvoštallanmuitalusa jagis 2023. Dárkkistanlávdegotti váldobargu lea árvvoštallat, leatgo guovllustivrra ásahan doaimma ja ekonomiija ulbmilat ollašuvvan, ja leatgo doaimmas leamaš beaktilis bohtosat ja leago dat leamaš vuogálaš. Jahki 2023 lei Lappi buresveadjinguovllu vuosttaš aitosáš doaibmajahki. Dárkkistanlávdegoddi mearridii jagis 2023 árvvoštallat earenomážit čuovvovaš Lapha strategalaš deaddočuoggáid: bargiidvásáhus, buorre jođiheapmi ja ekonomiija dássedeaddu.

### **Kvalitehta lea dehálaš oassi menestumis**

Dárkkistanlávdegoddi atná kvalitehtahálddašemi ja ovddideami eaktun doaimma beaktilvuhtii ja beaktilis bohtosiidda. Dárkkistanlávdegoddi háliida doaibmat ovdamearkkalaččat árvvoštallanbarggu ovddideaddjin. Lávdegoddi ávžžuha Lappi buresveadjinguovllu geavahit návccaid ollislaš kvalitehtahálddašanbargui. Kvalitehtahálddašanbargu eaktuda, ahte eandalii jođiheaddjit, muhto maiddá bargit čatnasit ja lassin meroštallojuvvo oktasaš kvalitehtapolitiikka ja -ipmárdus.

### **Organisašuvvna ođasteapmi lea dárbbášlaš**

Jahká 2023 plánejuvvon ođđasisorganiserema livččii galgan joatkit nugo lei plánejuvvon. Bálvalanguovlluid rolla lea báhcán eahpečielggasin. Guovlluráđđehus lea buori muddui jođihan doaimma jagis 2023, nugo ovddit jaginai. Doaibmaorgána- ja bargiidorganisašuvvna, nugo maiddá bálvalanguovlomálla, galgá árvvoštallat ođđasit. Dárkkistanlávdegoddi ávžžuha bidjat earenomážit deattu dasa, ahte eastadit doaimmaid čuoldáseami ja dahkat ovttasbarggu vejolažžan.

Mearridanválddi galgá bastit lávdadit vuogálaččat ja luohtámušolmmošorgánaid mearridanválddi rájiid meroštallat ođđasit. Ovttalaš rávvagiiguin ja doaibmanvugiiguin mearrádusdahkama sáhttit lávdadit ja lávdadeapmi hálddašuvvo.

### **Strategiija doaibmabidjoprográmmaid galgá oktiiheivehit**

Dárkkistanlávdegoddi ávžžuha, ahte boahttevuodas iešguđet prográmmaid oktiiheiveheami, áigeplánema ja ovddasvástádusa juohkima doarjjan dahkko mearrádusdahkama jahkediibmu. Lappi buresveadjinguovllu lágas mearriduvvon ja eará prográmmat leat válmmaštallojuvvon, muhto eai oktanaga. Okta dehálepmosiin lea sode-bálvalanstrategiija ja dan ollašuhti ekonomiija heivehanprográmma. Dáid birra guovllustivrra mearridii easkka cuoŋománus 2024. Dárkkistanlávdegotti mielas lea fuolastuhtti, go guovddáš prográmmat maŋŋonit ja prográmmat sierranit nubbi nuppis.

### **Ekonomiija lea eahpedássedeattus**

Ekonomiija lea eahpedássedeattus ja vuolláibáza lea 90,3 miljovvna euro jagis 2023. Ekonomiija heivehanprográmma (buvttadanmuni ja

ekonomalašvuodaprográmma) dahkkui easka giđđat 2024. Ekonomijja dásšen gáibida fuopmášahtti struktuvrralaš ođastemiid.

Dárkkistanlávdegotti mielas lea fuolastuhtti, ahte mearrádusaid váikkuhusaid ovdaárvoštallamat eai leat dahkkon jagis 2023. Lávdegotti mielas lea dehálaš, ahte boahttevuodas váikkuhusaid ovdaárvoštallamat dahkkojit jámma ja heivvolaš vugiin.

*”Lávdegoddi ávžžuha, ahte boahtteáiggis buresveadjinguovllus dahkkojuvvoše jámma mearrádusaid váikkuhusaid ovdaárvoštallamat.”*

### **Bargiid buresveadjimii ja bargoaddibeaggimii galgá geavahit návccaid**

Bargiidprográmma oktan vuolit prográmmaiguin ja ovddidanfidnuiguin lea boahtán bures johtui. Dárkkistanlávdegotti mielas earenomáš bures lea lihkestuvvan dat, ahte bargiidbálvalusat geavahit návccaid doarjut hoavdabarggu.

*”Bargiid duohta guldaleapmi ja searvanvejolašvuodát leat buori bargiidvásáhusa reaidut. Daidda galggašii bidjat erenoamáš olu deattu.”*

Bargiid vátni lea olles Lappi hástalus, masa vástiduvvo dušše guovllu ovttasbargguin, ii nu ahte buohkat gilvalit gaskaneaset. Dárkkistanlávdegotti mielas lea viidáseappot dehálaš, ahte bargoaddibeaggimii ja bargoburesveadjimii geavahuvvojit návccat. Dárkkistanlávdegoddi ávžžuha, ahte bargoveaga láigoheapmi geahpeduvvo nugo lea plánejuvvon ja atnit fuola soahpamušhálddašeamis.

### **Jodihanvuogádaga galgá ovdánahttit**

Guovdduštuvvon mearrádusdahkan sáhtá leat muhtin áššiin ákkastallojuvvon, muhto ovttalaš rávvagiiguin ja doaibmanvugiiguin mearrádusdahkama sáhttit vuogálaččat lávdadit delegerenmatrisa mielde. Dárkkistanlávdegoddi ávžžuha dárkkodit jodihanjoavkostruktuvrraid oassin organiseremis ja jodiheami ovdánahttimis. Liigehástalusaid jodiheapmái buktet hálddahuslaš bargguid eahpeheivvolaš juohkáseapmi sihke stuorra soahpamuš- ja háhkanollisvuodaid hálddašeapmi.

### **Árvvoštallanmuitalus guovllustivrras geassemánus**

Dárkkistanlávdegoddi guođđá árvvoštallanmuitalusa jagis 2023 guovllustivrra čoahkkimis 10.6.2024 ja evttoha, ahte guovllustivra bivdá guovlluráđdehusa čohkket vástádusaid ja addit guovllustivrii cealkámuša čakčamánu loahpa rádjái doaibmabijuin, maidda árvvoštallanmuitalus addá ákka, ja mat dárkkistanlávdegotti cealkámušaid vuodul leat álggahuvvon.

Lappi buresveadjinguovllu dárkkistanlávdegotti árvvoštallanmuitalus jagis 2023 almmustahttojuvvo geassemánus neahttačujuhusas:

[https://www.lapha.fi/tarkastuslautakunta\\_](https://www.lapha.fi/tarkastuslautakunta_)



**Lassedieđuid addiba:**

dárkkistanlávdegotti ságajođiheaddji Vesa Puuronen [vesa.puuronen@lapha.fi](mailto:vesa.puuronen@lapha.fi),  
tel. 050 320 3434 ja dárkkistanhoavda Riitta Erola [riitta.erola@lapha.fi](mailto:riitta.erola@lapha.fi),  
tel. 040 537 8271